

TEZAUUR LITURGIC

13 MAI

**SLUJBA
SOBORULUI
SF.NOI MUCENICI
ȘI MĂRTURISITORI
AI
CERKASKULUI**



MOSCOVA, 2000



СЛУЖБА

СВЯТЫМ НОВОМУЧЕНИКАМ

ЧЕРКАССКИМ

На «Господи воззвах» стихиры, глас 1:

Имене Господня ради мучения и смерть
приявший, днесь прославляются новий
страстотерпцы, от земли Черкасская на подвиг
пошедшая, на Бога упование возложенное
имуще и от Того славою небесною почтенныя.

В темницах за Слово Божие томившийся и
напасти раз-личныя от и безбожных
претерпевшая, в неведомых местах убиенная и
тайно погребенная, прославим ныне песньми
похвальными, яко от Бога славою небесною
почтенныя.

Прещений зловерных не убоявшийся и веры
Православ-ная не отвергшийся, ныне
восхваляем песньми церковными новыя
Христовы мученики за многия ваша,
страстотерпцы славный, Господа ради страдания.

Телеса ваша святая, новомученики Черкастии,
погребения христианского лишенная и от
злодеев безбожных свинцем налитая, в

безвестных местех до времени почивают дне суднаго, в онъже неосужденным быти Христа умолите всем почитающим ваша честная Того ради страдания.

Слава: Судищем неправедным предстояще и от богоборцев оклеветаемы, Христу неправедно осудиму уподобистесь святый. И подобие Подвигоположнику избиеенныя и на смерть аки на крест восшедшия. Ныне о нас Спаса молитесь да подаст церквам умирение и спасет души вами Его прославляющих. . И ныне: праздника или Догматик Всемирную славу.

Пророчества Исаина чтение, глава 43:

Также глаголет Господь: вси языцы собращася вкупе, и соберутся князи от них. Кто возвестит сия в них? Или яже от начала, кто слышана сотворит вам? Да приведут свидетели

своя, и оправдятся, и да услышат, и да рекут истину. Будите Ми свидетели, и Аз свидетель, глаголет Господь Бог, и отрок, егоже избрах,, да познаете и веруете Ми, и разумеете, яко Аз есмь Бог, и несть разве Мене спасающий. Аз возвестих, и спасох, уничижих, и не бе в вас чуждый. Вы Мне свидетели, и Аз Господь Бог, и еще от начала Аз есмь: и несть от рук Моих избавляяи. Сотворю, и кто отвратит то? Сие глаголет Господь Бог,

избавляли вас Святый Израилев.

Премудрости Соломоновы чтение, глава 3:
Праведных души в руке Божией, и не прикоснется их мука. Непощевани быша во очесех безумных умерети, и вменися озлобление исход их. И еже от нас шествие - сокрушение, они же суть в мире. Ибо пред лицом человеческим аще и муку примут, упование их безсмертия исполнено. И в мале наказали бывше, великими благо-детельствовани будут, яко Бог искуси я, и обрете их достойни Себе. Яко злато в горниле искуси их, и яко всеплоди жертвенное прият я. И во время посещения их возсияют: и яко искры по стеблию потекут. Судят языком, и обладают людьми, и воцарится Господь в них вовеки. Надеющийся на нѣ разумеют истину, и вернии в любви пребудут Ему. Яко благодать и милость в преподобных Его, и посещение во избранных Его.

Премудрости Соломоновы чтение, главы 5 и 6:
Праведеницы во веки живут, и в Господе мзда их, и попечение их у Вышняго. Сего ради примут Царствие благолепия, и венец доброты от руки Господни, зане десницею по-кроет я, и мышцею защитит их. Приимет всеоружие рвение свое, и вооружит тварь в месть врагом. Облечется в броня правды, и возложит шлем -

суд нелицемерен. Приимет щит непобедимый
преподобие. Прострит же напрасный гнев во
оружие, споборет же с ним мир на безумных.
Пойдут право-лучные стрелы молниины, и яко
от благокругла лука облаков на намерение
полетят. И от каменометных ярости исполнь
падут грады, вознегодует на них вода морская,
реки же потопят я нагло. Сопротив станет им
дух силы и яко вихор развеет их, и опустошит
всю землю беззаконие: и злодейство превратит
престолы сильных. Слышите убо царие, и
разумейте, навыйкните судии концев земли.
Внушите держащий множества, и гордящийся о
народех языков, яко дана есть от Господа
держава вам и сила от Вышняго.

Стихиры на литии, глас 8:

Добле воинствовавши за Христа Царя, венцами
от Него праведными увенчанныи и у Престола
Святыя Троицы предстоящий, о нас молитесь,
святый новомученицы, да утвердит в нас веру
Православную.

Добле воинствовавши за веру Православную,
видимыя и невидимыя рати вражия
посрамите, и нас на прославление Хримста
призвавши днесь и всегда, святый
новомученицы.

Слава: Злобою звериною яряся на священники Божия, нечестивый судии, яко иудейское соборище на Христа лжесвидетельства искаху и на смерть неповинных осудивше, себе самих со Иудою Искаротским ввкупе быти сотвориша.

И ныне: праздника или сей:

Укроти, Владычице, лютыя безбожных на Церковь Божию возстания, яже искуситель воздвиге, молимтися Тебе, Пречистая, Ты бо пред Господом за люди православныя Ходатаице.

На стиховне стихиры, глас 2:

Образы терпения и злострадания нам явивши, и ко Христу чрез мучения и смерть пришедший, Того, новомученицы преславный умолите, да подаст прегрешений оставление всем православно Ему покланяющимся.

Стих: Разжегл еси ны якоже разжизается сребро.

Мученическому достохвальному множеству днесь приносим пение. Яко и от Черкасския земли к ним страдальцев лик причтется, иже кровми землю обильно оросивши и плод добр возрастивши: всех почитающих ваша,

новомученицы, страдания и православно Христу покланяющихся.

Стих: Воззваша праведный и Господь услыша их.

Крепчае адаманта бысть множество ваше святей, имуще бо пред очима Патриарха Тихона исповедание и страдания митрополитов Владимира и Константина, такожде и от всякого чина церковнаго, пребыте в терпении до конца по слову Господню, и спасени Того милостию, молитесь о вас почитающих.

Слава: Бог нам прибежище и сила, тако судиям неправды отвещали святей новомученицы и страха вашего не убоимся, уповаем бо милостию Божиею спасение улучшить. Аще и убиеете ны, но со Христом разлучити не возможете.

И ныне: праздника или воскресный О чуде новаго.

ТРОПАРЬ, глас 8:

Мученицы Черкасстии, своим страданием Христа проповедали есте, окропивше кровию землю нашу и все истязания до конца претерпели безбожных мучителей, нечестиво осуждающих вас посрамили, возвещая им

скорую гибель. О, всемилостивии угодницы Божий, молитесь Христа Бога за ваших последователей, дабы и нам в годину тяжких испытаний сохранить веру Православную.

УТРЕНЯ

На «Бог Господь» тропарь праздника дважды.

Слава: святых И ныне: праздники

По 1 кафизме седален:

Собор святых мученик празднуем духовно днесь, сии бо Христовым путем последуя достигоша земли обетованная, проидоша бо сквозе огонь и воду и внидоша в вечный покой.

Слава и ныне: Дево Всенепорочная, лик поющих Тя укрепи молитвами к Сыну Твоему, да возмогут непрестанно шествовати путем заповедей Его.

По 2 кафизме седален:

Воистину блажени есте, страсотерпцы от градов и весей Черкасских, и земля ваша кровию незримо освятися, на ней же мы ныне ваша честная страдания почитающе молимся ко

всех Владыце да помилует души наша.

Слава и ныне: Матерь Тя Божию ве мы, Марие Дево, о нас молитвы к Нему приносящую и милости неоскудныя верным призывающую, еяже сподоби достойным быта поющих державу Сына Твоего.

По полиелеи седален:

Новыя звезды на церковнем небе прославим днесь вернии новыя мученики от земли Черкасския на небо возшедшии и о Отечестве земном Царю Славы молитвы приносящия.

Слава: Хлебом жизни и пивом нетления укреплен-нии, возмогоша стати, святый, на судищах неправедных во дни оны, в них же положи Господь вам искушенным многими муками быти и яко злато седмерицею очищенными в Его чертог внити.

И ныне: праздника или сей:

Вся преукрашена яко златом, удобрена яко каменем драгим, Дево Мати, возсияла земнородным непорочным житием Своим и ангельских ликом Честнейшую Тя быти величаем.

Прокимен глас 4: Тебе ради, Господи,

умерщвляемы есмы весь день.

Стих: Вменихомся яко овцы заколения.

Евангелие Мф. зачало 36.

По 50-м псалме стихира:

Воспоим вернии, честныя архимандриты,
иеромонахи и иноки ангельский образ на себе
свято носивший, прославим с ними протоиереи,
иереи, диаконы и миряне благочестивыя, иже
отческия веры не отвергшася и за сие мучения и
смерть приявшия, от Господа же славу небесную
улучившия.

КАНОН, глас 8

Песнь 1

Ирмос: Воду прошед яко сушу, и египетского зла
избежав, израильтянин вопияше: Избавителю и
Богу нашему поим.

Начало новумучеником в земли Черкастей
положили веси Ко-робовки иерей Иоанн со чады
духовными своими Димитрием и Владимиром,
Русь во дни брани со оружием защищавшима,
Иаковом, Иоанном и Кирилом, имже молитвы
ныне приносим.

От Смелянских предел весь Головятино святого

покровителя Леонида иерея имуща, да поет Боту похвальная о сего крепости и терпении, иже во узилищи четырнадесеть месѣц томляшеся от пути исповедания не отступи и от Христа венчался еси.

Священномученики града Канева прославляем: Димитрия иерея, чрез огонь брани за отечество во священный сан пришедшаго, а чрез исповедание ко обителям Небесным. С нимже Василия и Всеволода иже по нем на муку и смерть поведенныя.

Богородичен: Пройдоша сквозь огонь и воду мучеников сонмы под Твоим Покровом, Мати Пречистая, сохраняеми и жизни безконечныя достигше со Ангелы Тя прославляют.

Песнь 3

Ирмос: Небесного круга верхотворче Господи, и церкви зиждителю, Ты мене утверди в любви Твоей, желаний краю, верных утверждение, едине Человеколюбие.

Утвержден быв пастырем Киприаном, новый Стефан на мучение дерзаша, вменив смерть в приобретение яже душе на пользу. Ихже яко единоправных во един день на небеси Господь

души прият

Жатва приспе во септемврии месяце душам десяти исповедник Христовых: от Золотоношския земли иереев Михаила и Александра, пастырей честных украшение, от Каневския же Иоанна, иже в году том осемьдесят пять душ крещением возроди. Также от веси Ключники Александра протоиерея со Афанасием псаломщиком.

Прославляются Церковию днесь иереи Божий от Христиновки Кирилл, от Млиева Авраам, твердый святыни защитник, от Сарн Карп, егоже местныя начальницы в телегу, аки коня, ругающеся смирению святаго, впрягоша и от Почипинския веси Андрея иерея со Иаковом благочестивым мирянином, воспоим страдания.

Богородичен: Матерь Божию всяк православный святую Деву именует и образы Ея честныя лобызает, не вещи но Бога Родительнице честь воздающе. Сама бо рекла, яко благодать Сына Ея со образами Ея будет.

Кондак и икос праздника

Седален: Вам, от нечестивых убиенным, не вотще на обращение людей земли Черкасския бысть. Ибо по летех многих, ко Господу

обращающиеся, вы во свидетели покаяния пред Господом призывают.

Слава: Угодна быша Боговы ваша страдания, за нихже и венцы яко победителие гордыни змиевой, прияли есте славний новомуче-ницы, земли Черкасския украшение.

И ныне: Исполнь чудес Твоих, Дево Пренепорочная, православных жительство, яже ко славе Сына Твоего и ко грешных обращению твориши. Сия яко бисерие имуще Церковь Христова украшается.

Песнь 4

Ирмос: Услышах, Господи, смотрения Твоего таинство, разумех дела Твоя, и прославих Твое божество.

Изгнание и темницы претерпевше многая лета, возвращеся архимандрит Софроний в землю отец своих, клеветы и пакости от безбожных паки приемше безропотен пребысть. Ни сана, ни риз и чина монашеского не отрекшися в Царствии Небес-нем в нетленные ризы облечеса.

Октобрий месяц жатву продолжи прешедшаго, во оный бо новомученик число паки возрасте совокуплением Иоанна иерея, Пиония от Лавры

Киево-Печерския и от обители святого Онуфрия Великаго иеромонахов, псаломщика Феодота и Винницкия земли рождением Феодора и Иоанна иеромонахов.

Скорый суд учиниша Святыя Троицы служителю Стахию, рати сатанинския служителие. Обаче буйство их ходатайствова геенну онем, а старцу протоиерею небесныя обители, куде вни-доша Стахию споспешницы архимандрит Петр, иереи Феодосии и Владимир, иеромонаси Паисий и Феодосии, и Савва пресвитером честный помощник.

Богородичен: Призри Благосердая на неистовство еретик и безбожных, яже не почитают Тя достождно, и яви им силу Сына Твоего, иже Твоею молитвою на главы их да снидет.

Песнь 5

Ирмос: Просвети нас повелении Твоими, Господи, и мышцею Твоею высокою, Твой мир подаждь нам, Человеколюбие.

В новембрии неистовство сатанинское наивяще разгоре-шася, избиению двадесяти осьми святых Божиих предавше, неп-щевали свою злобу утолити. Но безумие сих до

желанного Царствия доведе священников Филиппа, Евгения, Диомида и Сергия, Никиту, Никона, Петра, Варнаву, Автонома, монахов Зенона и Феодора, и Валентина с Дамианом иеромонахов.

Сплетаще хитрословесия льстивныя имиже от сана отрещися святых мнели сотворити, судии безбожные. Сих же сети разодрав-ша единым сонмом ко Христу приидоша архимандрит Каллист со иеромонаси Антонием, Владимиром, Неофитом и Феодором, священники Георгий и Созонт, и от Чигирина Симеон, Василий, Александр, Иоанн и Симеон от Городища, Маркел Смелянский веси Ташлыка священник и от Тального иерей Стефан.

Последний месяц лета тысяча девятьсот тридесят седьмого от Рождества Христова ко Господу представи Палладия архимандрита и Фаддея иеромонаха, Антония от Жашкова, Автонома от Звенигородки и от Монастырища Михаила иереев православных.

Богородичен: Внемли, Пречистая, молений наших гласу, и оныя исполнив Сыну принеси, да не оставит милости от нас Своея.

Песнь 6

Ирмос: Молитву пролию ко Господу, и Тому
возвещу печали моя, яко зол душа моя
исполнися, и живот мой аду приближися: и мо-
люся яко Иона: от тли, Боже, избавимя.

Прославиша град Черкассы Киево-Печерския
Лавры воспитанницы иеромонахи Кассиан и
Иннокентий купножителie еди-номудреннии;
Ипполит и Феодор Тайн Божиих соверпштелie,
и Иаков смирения Господня рачитель.

Об ночь злодеи избиваша Божиих служителей
возмневши тако и имена их погубити, токмо
всue труждалися безумний. Злодеев бо имен не
вемы, прославляем же от них священники
убиен-ныя Михаила Хмельниччины уроженца и
Михаила найстарей-шего от страстотерпцев
ныше ублажаемых, Григория Севера узилиша
прошедшаго, Леонтия, Харлампия, Луку
неустраши-мыя Евангелія исполнитилie.

Троица служителей Господних в навечерие
Христова Рождества во темницу яга бысть, тамо
праздник сей светлый сретоша Но Богоявление
уже не на земли святей иереи Симеон и Феодор
со Димитрием диаконом прославиша, а в
чертозех Небеснаго Царя, в соборе новомученик

Черкасских.

Богородичен: Блажен иже стяжа Тя Помощницу в тру-дех своих, Твоя бо молитва от грехов и страстей свободж-дает всякаго усерднаго к Тебе молитвенника.

КОНДАК, глас 8

Яже на суд неправеден захоте привлещи вас антихрист, требуя от вас отречения от веры Православныя и пастырского служения, вы же святей новомученицы, рекли есте: в руце Твои, Господи, предаем дух наш и разве Тебе инаго Бога не знаем. Тако приемше Крест Христов на рамо, не устрашились есте смерти крестной, потщаша-ся липнѣти прияти ея достойне. Мы же, прославляюще тако ваше служение и терпение, с надеждою и любовью вопием к вам: молитв Христа Бога спастися душам нашим.

Икос:

Во дни огненнаго искушения Церкви Божия во отечестве нашем множество от чина церковнаго и от мирян благочестивых пострадаша, апостольское учение о многих скорбех памятующе. Посреде же толикаго полка новомученик и от Черкасския земли возсия святая сотня воинов Христовых. Ихже ныне прославляюще поем:

радуйтесь, Святыя Троицы верныя служите-лие; радуйтесь, веру Православную в себе непорочно сохранивший; радуйтесь, мучеником древним купножитилие; радуйтесь, венцы победныя от Христа Царя приявший. Радуйтесь и молитесь Христа Бога спастися душам нашим.

Песнь 7

Ирмос: От Иудеи дошедши отроци, в Вавилоне иногда, верою троическою пламень пещный попраша, поюще: Отцев Боже, благословен еси.

Василия Великаго, столпа Православия, исповедание па-мятующе и в день памяти его на смерть пошедшия, Корсунь-ския земли иереи Александр, Иоанн и Михаил достойно ныне ублажаются от нас поющих: отцев Боже, благословен еси!

Еще два страсотерпца в иануария день первый к Богу отыдоша, от Умани диакон Иулий, от Жашкова иерей Симеон, от Белья Руси пришедъш прияти zde жизни своея кончину поюще: отцев Боже, благословен еси!

Тальновския людие да веселятся предстателя на небеси имуще Иоанна иерея иже ко Господу прииде в день памяти триех святителей

великих, поюще: отцев Боже, благословен еси!

Богородичен: Сокровища милосердия Божия нам от-крышася в Пречистой Деве Марии, Юже постави Иисус Ходатаицу о нас быти. К Нейже выну вопием гласом апостольским: помогай нам, Пресвятая Богородице!

Песнь 8

Ирмос: Царя Небеснаго, Егоже поют вой ангельстии, хвалите и превозносите во вся веки.

Еще троица отцев прославляема днесь святых исповедник веры Христовой иерея Виктора, диаконов Мефодия и Харито-на, ихже Прославившаго хвалите и превозносите во вся веки.

От Киева во град Канев безбожными гонимый протоиерей Василий притече, вселися у сродника жены его диакона Феофана, с нимиже староста церковный Вонифатий и Всеволод иерей проповеданием Евангелия неверным досадиша, за яже смерть прияша Господа хваляще и превозносяще во вся веки.

Пред Рождеством Христовым бысть ят возвеститель гибели безбожным Иоанн иерей фамилией своей Победоносцу тезоименитый. И

от земли Чигиринския в небо душою отшедший, егоже Венчавшаго, людие хвалите и превозносите во вся веки.

Богородичен: Измени, Владычице, душ наших ко греху удобо-поползновенное и преткновений от прилог бесовских огради. К Тебе моления приносим, ихже скоро к Сыну принеси.

Песнь 9

Ирмос: Воистину Богородицу Тя исповедуем, спасенный Тобою, Дево чистая, с бесплотными лики Тя величающе.

Луковки веси иерея Трофима и диакона Григория поем страдания, яко и древних мученик множество, тако и сии Христа проповедающе немилостивно убиени быша.

Молитвенно призываем святые угодили днесь прослав-ляемые иерея Василия, диаконы Иосифа и Григория Золо-тоноши и Умани цветы прекрасныя.

Довершила число мученик от Умани двоица Мелетий иеромонах с Георгием пресвитером. Се воинов собор Христовых в духовней брани победивших и души за Христа безропотно сложивших.

Богородичен: Духом Божиим Церковь управляема Богородицею Тя, Марие Дево, именует и образа Твои честно лобыза-ти учит, Ты бо Мати всему роду человечу милосердием Твоим.

Светилен:

Множества мучеников во дни недавни пострадавших исчести не могуще, славу о сих Богу возносяще, молимся прилежно: молитесь о нас, святый, да приидем идеже вы славою сияете.

Слава и ныне: Богородице Владычице, на Тя уповаем и к Тебе молящся припадаем, испроси грехом нашим прощения и жития нашего на доброе пременение яко да вся возможна ходатайству Твоему.

Стихиры на «Хвалите», глас 4:

Священномученику Владимиру митрополиту Киевскому последуя, егоже кровию земля отечества нашего прежде на-питна быша, сонм пресвитеров, монахов и мирян кровей своих и жизни не пощадиша во славу Христа Бога нашего.

Не прельсти вас, святый новомученицы, древний змий, ни льстивыми речами, ни ран прещением

устами его безбожных слуг попраи бысть
вашими ногами аще и убиени от них были есте.

Судимий и осужденныа на смерть Христа ради
ныне прославляються, а их судии немилосердний
осуждаются. Мученицы в рай радуются,
мучителие же их в геенне зубы скрежещут. Вси
бо от своего произволения достойну мзду
прияли.

Слава, глас 6:

Страха вашего не убоимся ниже смутимся су-
диям новомученицы отвещали вси, яко Бог с
нами всегда, Ему же до конца дний своих
служити будем и смерти не ужасаемся, сия бо
жизни вечныа ходатаица.

И ныне: праздника или: «Ботороднице, Ты еси лоза
истинная»

На литургии:

Еф. зачало 233; Лк. зачало 106.

Прокимен глас 4: Воззваша праведный и
Господь услыша их.

Стих: Многи скорби праведным и от всех их

избавит я Господь.

Причастен: Радуйтесь праведний о Господе,
правым подобает похвала.

